



2
✓
BREVE FEL.

REXII PAPÆ QVINTI

super confirmatione Córdia, ac
declaratione aliorum Decretorum

Concilij Prouincialis Com-
postellani, vltimo lo-
co celebrati.

* *
*

SALMANTICÆ,

Excudebat Petrus Laffus.

1595.



NICOLAUS DEI
 & Apostolicæ Sedis gratia
 Episcopus Patavinus, Sanctis
 simi Domini nostri Domini Gregorij
 Divina providentia Papæ Decimiertij
 Sanctæque Sedis Apostolicæ cum potesta-
 te Legati de latere in Regnis Hispania-
 rum Nuntius. Universis præsentibus in spe-
 ctatis, & audituris, Notum facimus,
 Nos nuper vidisse, & diligenter inspe-
 xisse, literas Apostolicas felicis recorda-
 tionis Pij Papæ Quinti in forma Brevis
 sub annulo Piscatoris sanas, & integras,
 non vitiatas, non cancellatas, nec in ali-
 qua earum parte suspectas, tenoris subse-
 quentis, videlicet.

A 2 PIVS

PIVS PAPA

QVINTVS.



D perpetuam Rei me-
moriā: Ex solita Sedis
Apostolicæ clementia,
ad ea libenter intendi-
mus, per quę inter Prælatos Eccle-
siasticos, & illorum Ecclesiarum
capitula, ac alias personas Ecclesia-
sticas, paci & quieti opportune cō-
sultitur, ac ijs, quæ propterea facta
fuisse dicuntur, vt firma perpetuo,
& illibata persistant, fauorabiliter,
cū a nobis petitur Apostolici adij-
cimus muniminis firmitatem. Cū
itaque, sicut exhibita nobis nuper
pro parte Venerabilium fratrum
Archie-

Archiepiscopi Compostellā. Metropolitanī, & aliorum Coepiscoporum suorum, & dilectorum filiorum Capitulorum Ecclesiarum Prouinciæ Compostellā. petitio continebat, ipsa Capitula prætenderent grauari ex nonnullis decretis factis in Concilio Prouinciali Compostellā. ac super hoc contentio, & discordia inter ipsa Capitula, & eorum Metropolitanum, & Coepiscopos ortæ essent. Venerabilis frater Archiepiscopus Rossanen. noster, & eiusdē Sedis in Hispanijs Nūtijs ad discordias huiusmodi sedandas, vt inter Prælatos Ecclesiarum earumque Capitula huiusmodi pax, & vnio vigeret, Metropolitanum, & Episcopos, & Ca-

pitulares personas super decretis
 Concilij Prouincialis huiusmodi,
 iuxta formā, & tenorē capitulorū
 infracriptorū, sub nostro & dictae
 Sedis beneplacito ad concordia re
 duxerit, quę amicabiliter, & absq;
 aliquo discrimine facti, per prædi-
 ctos Prælatos, & Capitula huiusmo-
 di acceptata fuit, quorū Capitulorū
 tenor sequitur, videlicet. Primo
 quod in quolibet decreto, in quo
 de punitione, & pœna cōtra aliquē
 ex capitularib⁹ agitur, in Ecclesijs,
 in quibus Capitula exemptionem,
 habere solita sunt, intelligeretur
 iuxta dispositionem, & modū Cō-
 cil. Tridentin. ca. vj. Sessione. xxv.

actio 2^a Itē in septimō capite secundæ actio-
 nis, vbi habetur, qd semel tantū in
 hebdo-

hebdomada fieret capitulum, congruum esset, ut cōcederetur bis fieri, & nihilominus ita declaretur, ut nō censeatur exclusus casus necessitatis, seu utilitatis Ecclesiæ. Itē in nono, & decimo capitibus actionis huiusmodi, ubi habetur, quod acti^o, & repræsentationes, quæ fieri solēt in processionibus, fiāt loco, & tēpore ab Episcopo, seu eius Vicario designādis, quandoquidem harum rerum ordinatio videtur ad Capitulum; saltem ex antiqua consuetudine pertinere, quod concordat cum Concilio Tridentino huiusmodi capite. vj. §. cæteris autem, eadem Sessione. xxv. declaratum censeatur, ut si Episcopus præsens foret, ipse disponat, si vero absens, Capi-

culum iuxta laudabilem eius consuetudinem ordinet, & disponat. Item in. xvij. capite dictæ actionis, vbi disponitur, quod prouetus omnes dierum ibi descriptorum sint distributiones quotidianæ, admitendum videtur decretum, declarando hac lege intelligi, vt distributiones totius anni istis computatis, tertiam partem omnium fructuum non excedant, ita vt seruetur prorsus dispositio ipsius Concilij Tridentini, & non excedatur, & in eodem capite. xvij. vbi cauetur, quod nulla admittatur excusatio, etiam infirmitatis, quia videtur quodammodo inhumanum declarari potest, infirmitatis excusationem non excludi, si vera sit, & fide

fide medicorum cum iuramento
approbata. Itē in. xvij. capite eius-
dem actionis, ubi quibus assigna-
ta sunt officia in hebdomada fa-
ciēda, excusari nullatenus possint;
nisi causa infirmitatis, alias totius
hebdomadæ distributiones amita-
tant, &c. declarari desideratur, nō
excludi aliam veram, iustam, vel
rationabilē causam, quo casu sub-
stituere alium suis expensis possit,
& debeat, qui sit sui grad°, & ordi-
nis. Item in. xxvij. capite eiusdem
sessionis, ubi statuitur, ut is, qui prę-
sentium in choro rationem habet,
quem Punctador vulgò appellant,
librum punctorum huiusmodi ali-
cui non ostendat, &c. declaretur,
id ciuili modo intelligi debere,

videlicet, librum ostendere, vel al-
teri legere posse, si voluerit, non ta-
men illum tradere, vel apud aliquē
deponere, sed solum in Archiuio,
vbi dicitur. Item in codē. xxvij.
capite, vbi dicitur, quod assumpt^o
ad dictum munus, sine legima cau-
sa remoueri non possit, declaran-
dum, non propterea intelligi eum
creatum esse ad vitam, sed ad tem-
pus, non tamen ad minus quam
biennium, quo transacto, non pos-
sit confirmari, neque de nouo eli-
gi, nisi elapso alio biennio. Item in
codē. xxvij. capite, vbi dicitur, cū
debere esse clericum, id intelligi
debeat, de clerico in sacris consti-
tuto. Item in. xxviij. cap. eiusdem
actionis, vbi sacerdos in choro pte
fidere

fidere mandatur, si anteriores sacerdotes non sint, &c. declaratur, intelligi inter pares, videlicet, inter dignitates is præsideat, qui sit sacerdos, absentibus dignitatibus, ex canonicis præsideat, qui sit sacerdos. ne forte ordo Ecclesiarum, & dignitatum confundatur.) Item in. xxxiiij. capite eiusdem actionis, ubi dicitur, quod Episcopus solus, seu eius Vicarius, declaret, & iudicet inhabiles electores, & eligendos ad doctorem, & magistralē præbendam, seu lectionem sacre scripturæ, &c. declaratur, quod Episcopus, vel eius Vicarius generalis, id faciat circa eligendum, procedendo, & pronunciando simul cum Capitulo, ubi talis est consuetudo,

3. rudo, sicut enim eligendorum electio ad capitulum vnà cum Episcopo pertinet; ita etiam inhabiliū cognitio, communis esse debeat: Quo vero ad vota eligentium, & ad eorum inhabilitatem, recusationem, seu voti priuationem, seruetur iurisdictio, seu consuetudo vnus cuiuscunque Ecclesiæ. Item in. xxxvj. capite ipsius actionis, vbi cauetur quod deputatus ad legendum sacram scripturam, legere debeat tempore, & loco, ac materiā ab Episcopo designandam, &c. declaratur, id fieri saltem de consilio capituli. Nam cum id prius ad capitulum spectaret, nō debet hoc decreto prorsus excludi. Item in. XL. &. XLI. capitu. præfatæ actionis,

nis, vbi disponitur, quod Episcopus det licentiam capitularibus ap-
tis, vt literarum studijs incumbat,
eis prouidendo de necessarijs ad vi-
ctum, &c. in Ecclesijs, in quibus co-
suetudo antiqua est, vt etiam capi-
tulum hanc facultatem concedere
repossit, non intelligatur, hoc de-
creto hanc Capituli facultatem su-
blatam esse, modus autem ibi assi-
gnatus, etiam à Capitulo seruetur.

Item in. xiiij. capite tertie actionis, *ach. 3.*
vbi dicitur quod Episcopus statu-
ra; laudabileq; consuetudines Ec-
clesiæ in vnum librum redigat, &
imprimi mandet, cū consilio qua-
tuor de capitulo, decernens illis fi-
dem tantum adhiberi, cæteris sta-
tutis, & consuetudinibus idem
Epis-

Episcopus derogat, &c. intelligan-
 tur, omnia de consensu illorū qua-
 tuor à capitulo electorū. Itē in. xxj.
 ca. dicta tertia actionis, vbi dicitur
 q̄ solus Episcopus dare aut locare
 possit quodcūq; opus nouū in Ec-
 clesia faciendū, &c. quia omnia, quę
 pertinet ad fabricā ecclesię, præci-
 pue ad Capitulū spectant, & eorū
 est hoc munus, declaratur, decretū
 intelligi in alijs Ecclesijs, quā cathē-
 dralibus. Itē in. xxxij. capite eiusdē
 tertia actionis, vbi cauetur, q̄ dig-
 nitates omnes, & dimidia pars ca-
 nonicorū sit graduatorum in sacra
 pagina, vel iure Canonico iuxta de-
 cretū ipsius Cōc. Trid. &c. declare-
 tur, intelligi citra præiudiciū op-
 tionum, & optandi consuetudinis
 legi.

legitimè præscriptæ, vel à sede Apo-
stolica confirmatæ, quod declara-
tioni, & voluntati Sanctissimi Do-
mini nostri relinquatur, quæ om-
nia præfata in capitulis dictæ con-
cordiæ, super celebratione huius-
modi confectis, plenius contineri
dicuntur. Cum autem, sicut eadem
petitio subiungebat Metropolitani-
nus, Episcopi, & capitula prædicta,
cupiant declarationes huiusmodi
in dictis capitibus factas, pro illarum
subsistentia firmiori, nostro, & dictæ
sedis munimine roborari, supplica-
ri nobis fecerunt humiliter, quatenus
declarationes huiusmodi Aposto-
lica auctoritate confirmare, & non
nulla etiam declarare, aliasque in
premissis opportune providere, de
beni-

benignitate Apostolica dignaremur. Nos igitur inter fideles quoslibet, præsertim personas Ecclesiasticas, pacem, & concordiam vigere, sinceris affectibus exoptantes, ac Metropolitanum, Episcopos, & Capitula huiusmodi, ac eorum singulos, à quibusvis excommunicationis, suspensionis, & interdicti, alijs quæ Ecclesiasticis sententijs, censuris, & pœnis, à iure, vel ab homine quauis occasione, vel causa latis, si quib⁹ quomodolibet innodati extitunt, ad effectum præsentium duntaxat consequendum, harum serie absoluentes, & absolutos fore censentes, huiusmodi supplicationibus inclinati, concordiam & declarationes præfatas, & omnia, &

fin-

confirmat

singula in eis contenta quæcūque
 Apostolica authoritate præfata,
 per præsentis confirmamus. De-
 clarantes difficultatem optionis
 nobis remissam, tunc dictæ optio-
 ni locum esse debere eo modo, &
 tempore, quo illi ante huiusmodi
 concilium locus erat, & non aliàs,
 sicque dictis concordia, & declara-
 tionibus, nostræ Approbationis
 perpetuæ firmitatis robur adijci-
 mus, eaque valida, & efficacia exi-
 stere, suosq; plenarios effectus for-
 tiri, & per Metropolitanum, Epif-
 copos, & Capitula Ecclesiarū Pro-
 uinciæ Compostellan. prædictæ,
 ac eorum singulos, illorumq; suc-
 cessores, perpetuo inuiolabiliter,
 & firmiter obseruari debere, illos-

que vllō vnquā tempore ab illis re
 siliire aut reclamare nō posse, sed ad
 omnium, & singulorum præmissō
 rum veram obseruationem teneri,
 & efficaciter obligatos existere, ac
 ad id sentētijs, & cēsuris Ecclesiasti
 cis, ac etiam pecuniarijs pœnis, co
 gi, & compelli posse per Episcopos
 præfatos, sicque per quoscunque
 iudices, & commissarios, ac etiam
 causarum Palatii Apostolici Audi
 tores, sublata eis, & eorū cuilibet,
 quauis aliter iudicandi, & interpre
 tandi facultate, & authoritate; iu
 dicari & interpretari debere. Irru
 tum quoque & inane decernimus,
 si secus super his à quoquam qua
 uis authoritate scienter, vel igno
 ranter contigerit attentari, omnes
 que

que & singulos facti, & iuris defectus, siqui forsan interuenerint in eisdem supplemus. Non obstant. Apostolicis, ac in prouincialibus, & synodalibus concilijs editis generalibus, vel specialibus constitutionibus, & ordinationibus, ac dictarum Ecclesiarum, ac etiam iuramento, confirmatione Apostolica, vel quauis firmitate alia roboratis statutis, & consuetudinibus, priuilegijs quoque, indultis, & literis Apostolicis, Ecclesijs illarumque Episcopis, & capitulis præfatis, ac quibusuis alijs, sub quibuscunque tenoribus, & formis concessis, & approbatis, ac etiam iteratis vicibus innouatis. Quibus omnibus, illorum tenores præsentibus pro-

mobes

B. 2

suffi-

sufficienter expressis habentes, illis
 aliàs in suo robore permansuris,
 hac vice dūtaxat specialiter, & ex-
 presse derogamus, Caterisque con-
 trarijs quibuscunque. Aut si aliqui
 bus communiter, vel diuissim ab
 eadem sit Sedē indultum, quod in-
 terdicti, suspendi, vel excommuni-
 cari non possint, per literas Apolto-
 licas non facientes plenam, & ex-
 pressam, ac de verbo ad verbum,
 de indulto huiusmodi mētionem.
 Caterum, quia difficile foret, eas-
 dem præsentes ad singula quæque
 loca deferri, volumus, & declara-
 mus, quod earum trāsumptis, etiā
 impressis manu alicuius Notarij
 publici subscriptis, ac sigillo alicu-
 ius Prælati Ecclesiastici munitis,
 eadem

eadem prorsus fides vbicunque adhibeatur, quæ præsentibus adhiberetur, si forent exhibitæ, vel ostensæ. Dat. Romæ apud sanctum Petrum sub Annulo Piscatoris, die. xij. Octobris. M.D.LXIX. Pontificatus Nostri Anno Quarto. Cæsar Glorierius.

ET quia difficile foret, dictas literas Apostolicas ad singula quæque loca deferri, Ideo illas imprimi mandauimus, Volentes & declarantes quod illarum transumptis impressis, ac manu nostra subscriptis nostroque sigillo munitis, vel saltem manu alicuius Notarij publici subscriptis & sigillo alicuius Prælati Ecclesiastici munitis, eadem prorsus fides adhibeatur, quæ eisdem originalibus adhiberetur si forent exhibitæ vel ostensæ. Datum

in oppido Madrid Toletana Diœcesis,
 Anno Millesimo Quingentesimo Septua-
 gesimo Tertio, Pontificatus eiusdem San-
 ctissimi Domini Nostri Anno Primo.





